



KENYATAAN MEDIA

KEMENTERIAN PERDAGANGAN DALAM NEGERI
DAN KOS SARA HIDUP

No. 13 Persiaran Perdana, Presint 2,
62623 Putrajaya

No. Telefon : 03-8882 5562

No. Fax : 03-8882 5569

MESYUARAT JAWATANKUASA PENSTABILAN HARGA DI SABAH, SARAWAK DAN WILAYAH PERSEKUTUAN LABUAN BILANGAN 1 TAHUN 2024

KUALA LUMPUR, 7 MAC 2024 - Mesyuarat pertama bagi Jawatankuasa Penstabilan Harga Di Sabah, Sarawak Dan Wilayah Persekutuan Labuan diadakan hari ini dengan dipengerusikan oleh YAB Dato' Sri Haji Fadillah bin Haji Yusof, Timbalan Perdana Menteri merangkap Menteri Peralihan Tenaga dan Transformasi Air (PETRA).

Mesyuarat turut dihadiri oleh YB Datuk Armizan Mohd Ali, Menteri Perdagangan Dalam Negeri dan Kos Sara Hidup, wakil-wakil Kerajaan Negeri Sabah dan Sarawak, Ketua Setiausaha Kementerian yang berkaitan, Ketua Pegawai Eksekutif Perbadanan Labuan dan ahli-ahli Jawatankuasa Penstabilan Harga Di Sabah, Sarawak dan Wilayah Persekutuan Labuan.

Jawatankuasa ini ditubuhkan susulan pengumuman YAB Perdana Menteri supaya dikenal pasti pendekatan dan kaedah terbaik dalam memastikan kestabilan harga barangan dan perkhidmatan di Sabah, Sarawak dan Wilayah Persekutuan Labuan. Selain itu, Jawatankuasa ini juga akan memainkan peranan dalam mengenal pasti isu, cabaran dan faktor yang berkaitan dengan masalah harga barangan dan perkhidmatan di ketiga-tiga negeri tersebut.

Mesyuarat telah membincangkan kertas-kertas makluman dan pertimbangan berkenaan situasi pendapatan, perbelanjaan isi rumah dan kadar inflasi serta

senario semasa dan trend kedudukan harga barangan di Sabah, Sarawak dan Wilayah Persekutuan Labuan yang dibentangkan oleh Jabatan Perangkaan Malaysia (DOSM) dan Bahagian Harga Barangan Negara, Kementerian Perdagangan Dalam Negeri dan Kos Sara Hidup.

Selain daripada mendapatkan data daripada agensi kerajaan, mesyuarat turut bersetuju untuk melaksanakan Kajian Penstabilan Harga Sabah, Sarawak dan Wilayah Persekutuan Labuan yang akan dilaksanakan oleh Universiti Malaysia Sabah dan Universiti Malaysia Sarawak. Ini adalah bagi untuk memastikan pelan tindakan yang diambil oleh Kerajaan dalam langkah intervensi ke atas penstabilan harga di Sabah, Sarawak dan Wilayah Persekutuan Labuan berlandaskan *data-driven decision making*.

Kerajaan Persekutuan dan Negeri tekak cakna mengenai isu harga barang serta perkhidmatan di Sabah, Sarawak dan Wilayah Persekutuan Labuan. Agenda ini akan digerakkan melalui pendekatan *whole of nation approach* termasuklah penglibatan secara langsung Kerajaan-Kerajaan Negeri mengambil kira bidang kuasa Kerajaan Negeri dalam aspek tertentu melibatkan sektor makanan.

**KEMENTERIAN PERDAGANGAN DALAM NEGERI
DAN KOS SARA HIDUP**

###